



Broj: 01/14-11-5812-3/23  
Sarajevo, 04.09.2023.godine

## **Informacija o Pregovaračkom postupku bez objave obavještenja o nabavci**

U skladu sa članom 28. stav (4) Zakona o javnim nabavkama BiH („Službeni glasnik BiH“ broj: 39/14 i 59/22) Grad Sarajevo objavljuje informaciju, a shodno članu 24. tačka a) Zakona o javnim nabavkama BiH da provodi pregovarački postupak bez objave obavještenja o nabavci za izvođenje dodatnih radova na sanaciji asfaltne površine Apelove ceste u okviru projekta izgradnje mreže fekalnih otpadnih voda objekta koji je lociran uz dolaznu stanicu Trebevičke žičare.

Grad Sarajevo je ranije zaključio Ugovor za izvođenje radova na izgradnji mreže fekalnih otpadnih voda objekta koji je lociran uz dolaznu stanicu Trebevičke žičare broj: 01/14-11-5243-2/22 od 06.09.2022. godine sa firmom Mibral d.o.o. Sarajevo.

Stručni nadzor na izvođenjem predmetnih radova vrši Zavod za izgradnju Kantona Sarajevo.

Prilikom izvođenja radova - Izgradnja mreže fekalnih otpadnih voda objekta koji je lociran uz dolaznu stanicu Trebevičke žičare, uslijed nepredviđenih okolnosti, ukazala se potreba za izvođenjem dodatnih radova koji nisu bili uključeni u prvobitno zaključen ugovor, ali koji su postali neophodni za izvođenje predmetnih radova, i koji su istovremeno tehnički i ekonomski neodvojivi od zaključenog ugovora.

Neophodnost izvođenja dodatnih radova na izgradnji mreže fekalnih otpadnih voda objekta koji je lociran uz dolaznu stanicu Trebevičke žičare, potvrdio je i Nadzorni organ Zavoda za izgradnju Kantona Sarajevo, koji vrši stručni nadzor nad izvođenjem radova, svojim dopisom broj: 03-45-4012/23 od 19.04.2023. godine, zaprimljenim na protokol ugovornog organa dana 24.04.2023. godine u kojem se, između ostalog, navodi da je prilikom izvođenja radova na polaganju kolektora i polaganju šaftova došlo do povećanja potrebnih količina asfalta i tampona u odnosu na količine predviđene projektom, između ostalog i zbog loše zatečenog stanja saobraćajnice. Projektom je predviđena popravka asfaltnog kolovoza gdje je saobraćajnica raskopana, odnosno dovođenje u prvobitno stanje. Zatečeno stanje asfalta prije početka radova bilo je u lošem stanju, asfalt je bio potpuno istrošen na pojedinim dionicama uočena su oštećenja zbog nedovoljne debljine asfaltnog sloja, također uočena je devastacija uslijed starosti, ulegnuća.

S tim u vezi Zavod za izgradnju Kantona Sarajevo je konstatovao da prema uslovima na terenu, zatečenom stanju, neminovnim oštećenjima nastalih uslijed izvođenja radova (teška mehanizacija, vibracijski čekić za razbijanje stijena u rovu, kamioni i ostali) neophodno je povećanje asfalta i tampona. Također u svom aktu ističu da pored značajnog povećanja potrebnih količina asfalta i tamponskog sloja dio saobraćajnice ostaje u izuzetno lošem stanju zbog čega se, sa aspekta struke, predlaže sanacija asfalta u punoj širini i dužini saobraćajnice.

Na osnovu gore navedenog traženo je izjašnjenje od izvođača radova firme Mibral d.o.o. koji su u svom aktu između ostalog naveli da je konstatovano izuzetno loše stanje asfalta, da su se radovi



izvodili u stjenom materijalu V i VI kategorije, te da je izvođač radova prilagodio tehnologiju izvođenja stanju na terenu uz korištenje neophodne građevinske mehanizacije što je evidentirano kroz građevinski dnevnik.

Cijeneći naprijed navedeno, očigledno je da je u konkretnom slučaju neophodno provesti zakonske procedure kako bi se dogovorili radovi koji su neophodni za završetak ovog projekta, a koji se nisu mogli predvidjeti u vrijeme pokretanja predmetnog postupka javne nabavke, a i dana 26.07.2023. godine, na 30 sjednici Gradskog Vijeća Grada Sarajeva usvojena je „Odluka o davanju saglasnosti gradonačelnici Grada Sarajeva za okončanje projekta „Izgradnja mreže fekalnih otpadnih voda objekta koji je lociran uz dolaznu stanicu Trebevičke žičare“, koja je objavljena u Službenim novinama Kantona Sarajevo br. 34/23. Ovom Odlukom se gradonačelnici Grada Sarajeva daje ovlaštenje, da u skladu sa Zakonom o javnim nabavkama i raspoloživim sredstvima, provede proceduru javne nabavke, a zbog nepredviđenih okolnosti prilikom izvođenja radova, koji se nisu mogli predvidjeti u vrijeme pokretanja predmetne nabavke.

Shodno odredbama člana 24. tačka a) propisano je da ugovorni organ, ugovor o javnoj nabavci radova može zaključiti nakon provedene procedure u pregovaračkom postupku bez objave obavještenja o nabavci u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključeni ugovor, ali koji uslijed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ.

Takav ugovor može se zaključiti s izvođačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći iznos od 20% od vrijednosti osnovnog ugovora.

Imajući u vidu sve naprijed navedeno, ugovorni organ provodi proceduru javne nabavke putem pregovaračkog postupka bez objave obavještenja o nabavci sa izvođačem radova sa kojim je zaključen osnovni ugovor .

U cilju zadovoljenja konkurentnosti, zainteresirani ponuđači mogu preuzeti tendersku dokumentaciju za predmetni postupak, koja će biti postavljena na službenoj web stranici Grada Sarajeva.

Pozivi za dostavljanje zahtjeva za učešće, početne ponude i konačne ponude bit će objavljeni na web strani ugovornog organa, i bit će dostupni svim zainteresovanim ponuđačima.

**Gradonačelnica**

**Doc. dr. Benjamina Karić**